

## CYNGOR SIR CEREDIGION

**Adroddiad i'r:** Cyngor

**Dyddiad y cyfarfod:** 20 Ebrill 2023

**Teitl:** Adolygiad o Gymunedau a Threfniadau Etholiadol – Polisi Maint y Cyngor

**Pwrpas yr adroddiad:** Cael cymeradwyaeth i'r Polisi ynghylch Maint y Cyngor er mwyn bwrw ati i Adolygu Cymunedau a Threfniadau Etholiadol

**Er:** Penderfyniad

**Portffolio'r Cabinet ac Aelod y Cabinet:** Ddim yn berthnasol

### Cyflwyniad

Adroddwyd i'r Cyngor ar 2 Mawrth 2023 y byddai Cymunedau a Threfniadau Etholiadol yn cael eu hadolygu dros y 15-18 mis nesaf. Mae gan y Cyngor ddyletswydd o dan Ddeddf Llywodraeth Leol (Democratiaeth) (Cymru) 2013 i gadw ei gymunedau dan arolwg a rhoi adroddiad i Gomisiwn Ffiniau a Democratiaeth Leol Cymru (y Comisiwn) ynglŷn â sut mae'n cadw ei gymunedau dan arolwg.

Bydd yr adolygiad yn cynnwys:

- Adolygiad Adran 25 - Adolygiad o ffiniau cymunedau. Dylai sicrhau bod cymunedau yn parhau i adlewyrchu hunaniaethau lleol a hwyluso llywodraeth leol effeithiol a chyfleus. Byddai'r adolygiad hwn yn caniatáu i'r cyngor wneud mân ddiwygiadau i ffiniau a allai fod wedi dyddio o ganlyniad i ddatblygiadau tai, newidiadau yn y boblogaeth ac ati. Bydd yr adolygiad hwn yn ystyried unrhyw newidiadau canlyniadol sydd eu hangen i'r trefniadau etholiadol oherwydd unrhyw newidiadau i'r ffiniau a dyma'r elfen y bydd y Comisiwn yn ymgymryd â hi.
- Adolygiad Adran 31 - Adolygiad o'r trefniadau etholiadol. Nodi problemau gyda threfniadau etholiadol cynghorau cymuned/tref yn annibynnol ar unrhyw broblemau o ran ffiniau.

Cytunodd y Cyngor i sefydlu Grŵp Trawsbleidiol o 7 Cynghorydd, sef y Cynghorwyr Clive Davies, Elizabeth Evans, Eryl Evans, Rhodri Evans, Gwyn Wigley Evans, Paul Hinge ac Alun Williams.

### Polisi Maint y Cyngor

Gorchwyl cyntaf y Grŵp Trawsbleidiol oedd datblygu Polisi Maint y Cyngor.

Dywed canllawiau Comisiwn Ffiniau a Democratiaeth Leol Cymru,

*“Mae'r Polisi Maint Cyngor yn creu dull o bennu, ar gyfer cynghorau cymuned a thref y brif ardal, nifer briodol y cynghorwyr cymuned ar gyfer tref neu gymuned benodol yn seiliedig ar nifer yr etholwyr yn y gymuned. Yn ddelfrydol, fe ddylai sicrhau bod y*

*gynrychiolaeth ar gyngor cymuned neu dref yr un fath, cyn belled ag y bo'n ymarferol, ar draws yr holl gynghorau cymuned yn y brif ardal."*

Ystyriwyd nifer o ffactorau wrth greu'r Polisi Maint y Cyngor, gan gynnwys:

- Dyraniad bras o gynghorwyr yn seiliedig ar nifer yr etholwyr
- Y gwahaniaeth rhwng cynghorau trefol a gwledig
- Sicrhau'r clymau cymunedol a'r darn o dir (hynny yw, maint daearyddol unrhyw Gyngor Cymuned arfaethedig)
- Darparu isafswm ac uchafswm cyffredinol o ran nifer y cynghorwyr cymuned ar gyfer cyngor cymuned. Yn hanesyddol, isafswm nifer y cynghorwyr ar gyfer cyngor cymuned fu 7, ond mae rhai cynghorau wedi defnyddio 6. 24 sydd ar y cyngor cymuned mwyaf yng Nghymru ar hyn o bryd. Gallai'r uchafswm fod yn ddbynnol ar y ffactorau canlynol (isod) yn y rhestr hon.
  - Maint y cynghorau cymuned presennol
  - Graddfa gweithgarwch y cynghorau cymuned mewn ardal prif gyngor
  - Daearyddiaeth ardal y prif gyngor
  - Dwysedd poblogaeth ardal y prif gyngor.

Mae'r Polisi drafft ynghylch Maint y Cyngor i'w weld ar ffurf Atodiad A i'r adroddiad hwn.

### **Camau nesaf**

Bydd y Polisi ynghylch Maint y Cyngor yn cael ei rannu gyda Chomisiwn Ffiniau a Democratiaeth Leol Cymru. Cynhelir cyfarfodydd yn fuan gyda chynrychiolwyr o'r Comisiwn i gytuno ar amserlen ar gyfer yr Adolygiad.

Wedyn bydd y Comisiwn yn trefnu cyfarfodydd gyda chynrychiolwyr y Cynghorau Tref a Chymuned.

	<b>A oes Asesiad Effaith Integredig wedi'i gwblhau? Os nad oes, dywedwch pam</b>	Ddim yn berthnasol – nid yw'n newid gwasanaeth
<b>Llesiant Cenedlaethau'r Dyfodol:</b>	<b>Crynodeb:</b> <b>Hirdymor:</b> <b>Cydweithio:</b> <b>Cynnwys:</b> <b>Atal:</b> <b>Integreiddio:</b>	Ddim yn berthnasol Ddim yn berthnasol Ddim yn berthnasol Ddim yn berthnasol Ddim yn berthnasol
<b>Argymhelliad:</b>	<b>Bod y Cyngor yn cymeradwyo'r Polisi Maint y Cyngor (fel y'i cyflwynwyd yn Atodiad A o'r adroddiad).</b>	
<b>Rhesymau dros y penderfyniad:</b>	<b>Galluogi'r Adolygiad o Gymunedau a Threfniadau Etholiadol i gael ei gynnal yn unol ag Adrannau 25 a 31 o Ddeddf Llywodraeth Leol (Democratiaeth) (Cymru) 2013.</b>	
<b>Trosolwg a Chraffu:</b>	Ddim yn berthnasol	

<b>Fframwaith Polisi:</b>	<ul style="list-style-type: none"> <li>• Adrannau 25 a 31 Deddf Llywodraeth Leol (Democratiaeth) (Cymru) 2013;</li> <li>• Comisiwn Ffiniau a Democratiaeth Leol Cymru – Canllawiau i Brif Gyngorau ynglŷn â'r Adolygiad o Gymunedau;</li> <li>• Cyfansoddiad y Cyngor.</li> </ul>
<b>Amcanion Llesiant Corfforaethol:</b>	Ddim yn berthnasol
<b>Goblygiadau Cyllid a Chaffael:</b>	Telir yr holl gostau sy'n gysylltiedig ag Adolygiad y Cymunedau o gyllideb bresennol y Gwasanaethau Etholiadol. £13,500 yw ffi'r Comisiwn am gynnal yr adolygiad.
<b>Goblygiadau Cyfreithiol:</b>	Sicrhau y cydymffurfir â Deddf Llywodraeth Leol (Democratiaeth) (Cymru) 2013
<b>Goblygiadau Staffio:</b>	O fewn y gwasanaeth
<b>Goblygiadau eiddo /asedau:</b>	Dim
<b>Risg(iau):</b>	Risg sylweddol i'r Cyngor o beidio â chynnal yr Adolygiad.
<b>Pwerau Statudol:</b>	Adrannau 25 a 31 o Ddeddf Llywodraeth Leol (Democratiaeth) (Cymru) 2013
<b>Papurau Cefndirol:</b>	<ul style="list-style-type: none"> <li>• <a href="#">Adroddiad a gyflwynwyd i'r Cyngor, 2 Mawrth 2023;</a></li> <li>• <a href="#">Comisiwn Ffiniau a Democratiaeth Leol Cymru – Arweiniad i Brif Gyngorau Ar Gynnal Arolygon Cymunedol</a></li> </ul>
<b>Atodiadau:</b>	Atodiad A – Polisi drafft Maint y Cyngor  Eifion Evans Prif Weithredwr (Swyddog Cofrestru Etholiadol a Swyddog Canlyniadau)
<b>Swyddog Adrodd:</b>	Lowri Edwards Swyddog Arweiniol Corfforaethol: Gwasanaethau Democrataidd (Dirprwy Swyddog Cofrestru Etholiadol a Dirprwy Swyddog Canlyniadau)
<b>Dyddiad:</b>	12 Ebrill 2023